



SAKSPAPIR

Saksnr	Utval	Type	Dato
43/2020	Kommunestyret	PS	23.06.2020

Sakshandsamar	Arkiv	ArkivsakID
Lin Tove Thomassen		20/546

INTENSJONSERKLÆRING AKSON

Vedlegg:

Akson: Heilheitleg samhandling og felles kommunal journal - Brev til kommunar om intensjonserklæring

Brev til kommuner om intensjonserklæring - Akson

Vedlegg 1 - Intensjonserklæring Akson

Vedlegg 2 - Akson - Helhetlig samhandling og felles kommunal journalløsning - sammendrag

Bakgrunn og moment for etableringa av Akson

Momenter som belyser Akson

Informasjon frå KS fylkesstyre og kommunedirektørutval om Akson og signering av intensjonserklæring

Akson - intensjonserklæring

Akson kommuner

Ordførar sitt framlegg til vedtak:

Kommunestyret gir si tilslutning til arbeidet med felles journal for kommunale helse- og omsorgstenester og signerer intensjonserklæringa for Akson.

Vaksdal kommune følgjer oppmodinga til Helseminister Bent Høie og signerer intensjonserklæringa. Vaksdal kommune oppmodar staten til å ta større del av kostnadane enn dei 15,9% som skildra i styringsdokumentet.

Kommunestyret - Sak 43/2020

KOM - Behandling:

Tilleggsframlegg frå Ivar Rødland Bergo på vegner av SP, SV, H:

Vaksdal kommune følgjer oppmodinga til Helseminister Bent Høie og signerer intensjonserklæringa.

Vaksdal kommune oppmodar staten til å ta større del av kostnadane enn dei 15,9% som skildra i styringsdokumentet.

Røysting:

Det vart først røysta over ordførar sitt framlegg til vedtak, som vart samrøystes vedteke. Tilleggsframlegget frå Ivar Rødland Bergo vart samrøystes vedteke.

KOM - Tilråding/Vedtak:

Kommunestyret gir si tilslutning til arbeidet med felles journal for kommunale helse- og omsorgstenester og signerer intensjonserklæringa for Akson. Vaksdal kommune følgjer oppmodinga til Helseminister Bent Høie og signerer intensjonserklæringa. Vaksdal kommune oppmodar staten til å ta større del av kostnadane enn dei 15,9% som skildra i styringsdokumentet.

Saksopplysningar:

Helse og omsorgsdepartementet arbeider med å realisera visjonen om «Ein innbyggjar- ein journal» for helse- og omsorgstenester.

Tiltaket vert kalla Akson og står for heilskapleg samhandling og felles kommunal journal. Akson er eit nasjonalt prosjekt for å få til ein felles kommunal pasientjournal og felles digitale løysingar som knyt det kommunale helse-Noreg saman på tvers av verksemdar. Målet er at pasientane sin helseinformasjon skal vere tilgjengeleg på rett stat, til rett tid, til rett person, uavhengig av kvar i helsetenesta pasienten er.

Staten vil finansiere kostnader knytt til investeringar i felles kommunal journal. Det vert lagt til grunn at kommunar som tek løysinga i bruk, betalar sin del av investeringar og påfølgjande drift og forvaltningskostnader.

Helse- og omsorgsdepartementet inviterer no kommunar til å signere ei intensjonserklæring for arbeidet. Signeringa gjev ikkje kommunen kjøpeplikt eller anna økonomisk ansvar, men vidare statleg arbeid føreset at kommunane gjev si støtte. Det er også ein føresetnad at Stortinget vedtek vidare tilrettelegging for Akson frå 2021.

Informasjon om Akson og intensjonserklæring er vedlagd saka.

Vaksdal kommune nyttar i dag eit system for elektronisk pasientjournal (epj) i helse og omsorg, det er tre-fire leverandører for slike system i dag. Kommunane i IKT samarbeidet kjører felles anbod og avtale på slike system, sist anbod/avtale vart inngått i 2019. Ei felles journalløysing vil eventuelt erstatte dette systemet i framtida. Først når løysinga er klar vil det vera mogeleg å vurdere denne fagleg og økonomisk opp mot dagens løysing.